

Albrechte Dürer der Kunstreiche / hat inn diesen Perspectiv Sachen / so vil erfunden/das er im Ende seines Buchs einen leichten vnd geringen weeg Perspektivam auffzureissen anzeigt.

Ist also geschaffen : Er setzt jn ein gevierter Rohm / mit einem Thürlein / welches sich auss vnd zu thun kan/auff einen Tisch/ schraubt solches an / damit es nicht weichen kan / vnd dann hesset er mit Wachs an das Thürlein ein bogen Pappir A.

Ferner Rest er ein Geometriam auff/ vnd legt solche hinder das Rom nider B. vnd hesset solche auch mit Wachs auff.

Nimbt alsdann ein lange Saiten/daran bindet er ein klein Gewicht / vnd am andern Ende fahrt er ein Stoffe an / vnd macht jn gegen dem Tisch ein Schrauben inn die Wandt / daran legt er die Saiten/vnd nimbt den Stoffe/hut solchen durch das Rom / vnd setzt denselben auff einen punct inn der Geometria , den er inn Perspectiv wissen vnd haben will / läßt jme solchen Stoffe auff dem Puncten vnverrückt still halten.

Vnd hat oben inn bayden Winckeln des Rohms zween lange Fäden die schrenkt er Kreuz weiß über einander / dah die Saiten im Kreuz eingefangen ist / denn hesset er die bayde Fäden mit Wachs an/ dass sic unverrückt das Kreuz behalten / vnd bleiben müssen / folgende läßt er die Fäden zu Rückt auf dem Rohm gehn / läßt alsdann das Thürlein inns Rohm zugehn / vnd sticht das Kreuz am Faden vff seinem Pappir ab / also finde er seinen Perspectiv punct : Wann er nun den Grundt ins Perspectiv gelegt hat / vnd das Corpus auffziehen will/ so hesset er die Saiten so vil höher an dem Stoffe auff/ vnd handelt mit dem Auzzug gleich als vor / Da er nun die puncten also hat/ so hebt er das Thürlein ab / vnd zeucht die Puncten mit geraden Linien zusammen / so findet er das Corpus, oder was er zu Werken vor hat.

Es bericht Albrecht Dürer noch eine Art Perspectivam auffzureissen / das ist / wie man aus dem Gesicht / durch ein Glas von der Handt abzeichnen soll / es gehört aber allein vor diese / die inn der Maler Kunß schon Maister/ vnd von der Handt wol reissen vnd stellen können.



Wenzel